

# 唐六典

三

漢書門			
類	號	函	架
二	四	三	一
二	一	六	二
冊	架	函	號

內閣文庫			
漢	書	類	號
二	四	一	二
三	一	五	二
函	冊	架	號

內閣文庫			
番號	漢	2412	
冊數	12( 3)		
函號	293	59	





大唐六典尚書禮部卷第四

淺草大庫

御撰 集賢院學士兵部尚書兼中書令修國史

上柱國開國公臣李林甫等奉

敕註上

禮部尚書一人

侍郎一人

郎中一人

員外郎一人

主事二人

令史五人

書令史十人

亭長六人

掌固八人

祠部郎中一人

員外郎一人

主事二人

令史六人

書令史十二人

掌固四人

膳部郎中一人

員外郎一人

主事二人

令史四人

書令史九人

掌固四人

主客郎中一人

員外郎一人

主事二人

主令史四人

書令史九人

掌固四人

禮部尚書一人。正三品。

周之春官卿也。漢成帝置尚書五人。其四曰客曹。主外國夷狄事。光武分六曹。吏部曹主選舉齋祀事。然則夷狄齋祀皆今禮部之職。東晉始置祠部尚書。常與右僕射通職。若右僕射闕。則以祠部尚

書知右事。宋齊梁陳皆號祠部尚書。後魏稱儀曹尚書。北齊亦為祠部尚書。掌祠祭醫藥死喪贈賻事。後周依周官。置春官府。太宗伯卿一人。隋改為禮部尚書。皇朝因之。龍朔二年。改為司禮太常伯。咸亨元年。復為禮部。光宅元年。改為春官尚書。神龍元年。復故。正四品下。

周之春官小宗伯中大夫也。漢已來尚書侍郎。今即中之任。後周依周官。隋煬帝置禮部侍郎。皇朝

因之。龍朔二年，改為司禮少常伯，咸亨元年，宅神龍，並隨曹改復。哀於中大夫，山戴子來尚書，於此。禮部尚書，侍郎之職，掌天下禮儀，祠祭，燕饗，貢舉之政令。其屬有四：一曰禮部，二曰祠部，三曰膳部，四曰主客。尚書侍郎，總其職務，而奉行其制命。凡中外百司之事，由於所屬，皆質正焉。凡舉試之制，每歲仲冬，率與計偕。其科有六：一曰秀才，二曰明經，三曰進士，四曰明法，五曰書，六曰算。凡正試，方畧策五條，此科取人稍峭峻。貞觀已後，遂絕。

經有九。禮記、左氏春秋為大經。毛詩、周禮、儀禮為中經。周易、尚書、公羊春秋、穀梁春秋為小經。通二經者，一大一小。若兩中經，通三經者，大小中各一。通五經者，大經並通其孝經、論語、老子，並須兼習。凡明經先帖經，然後口試，并答策。取粗有文理者為通。

舊制諸明經試，每經十帖。孝經二帖，論語八帖，老子兼註五帖，每帖三言。通六已上，然後試策十條。通七即為高第。開元二十五年，敕諸明經先帖經，通五已上，然後口試，每經通問大策十條，通六已

上并答時務策三通。凡進士先帖經。然後試雜文及策文。取華實兼舉。策須義理愜當者為通。舊例帖一小經并註通六己上帖老子兼註通三己上。然後試雜文兩通。時務策五條。開元二十五年依明經帖一大經通四己上。餘如舊。凡明法試律令。取識達義理。問無凝滯者為通。所試律令。凡每部試十帖。策試十帖。律七條。令三條。

凡明書。試說文字林。取通訓詁。兼會雜體者為通。說文六帖。字林四帖。兼口試不限條數。

凡明算。試九章海島孫子五曹張丘建夏候陽周髀五經綴術緝古。取明數造術。辨明術理者為通。

九章三帖。五經等七部各一帖。綴術六帖。緝古四帖。錄大義本條為問。

凡此六科。求人之本。必取積究理實。而升為第。其有博綜兼學。須加甄獎。不得限以常科。

開元二十五年。敕明經進士中。除所試外。明經有

兼五經已上每經帖十通五已上口問大義十條  
疏義精通通五已上進士有兼通一史試策及口  
問答十條通六已上須加甄獎所司錄名奏聞其  
進士唱及第訖其所試雜文及策送中書門下詳  
覆其明經口問仍須對同舉人考試其試弘文崇  
文生自依常式  
其弘文崇文館學生雖同明經進士其資廕全高試  
取粗通文義

弘崇生習一大經一小經兩中經者習史記者漢  
書者東觀記者三國志者皆須讀文精熟言音典  
正策試十通取粗解註義經通六史通三其試時  
務策者皆須識文體不失問目意試五得三皆兼  
帖孝經論語共十條

大廟齊即簡試亦試兩經文義粗通然後補授考滿  
簡試其郊社齊即簡試亦如太廟齊即其國子監大  
成十員取明經及第人聰明灼然者試日誦千言并  
口試仍策所習業十條通七然後補充各授散官依  
色令於學內習業以通四經為限

其祿俸賜會准非伎術直例給業成者吏部簡試  
孝經論語共試八條餘經各試八條間日一試灼  
然明練精熟為通口試十通九策試十通七為第  
所加經者禮記左傳毛詩周禮各兩階餘經各加  
一階及第者放選優與處分不第者三年一簡九  
年業不成者解退依常選例業未成年未滿者不  
得別選及充餘使若經事故應叙日還令覆正其  
先及第人欲加經及官人請試經者皆准此  
禮部郎中一人從五品上

周禮太宗伯屬官有下大夫蓋郎中之任也魏晉  
宋齊梁陳後魏北齊有殿中郎儀曹郎而殿中掌  
表疏儀曹掌吉凶禮制皆禮部之職也後周依周  
官隋初禮部曹置侍郎一人煬帝除侍字又改為  
儀曹皇朝因稱郎中武德三年復為禮部龍朔二  
年改為司禮大夫光宅神龍隨曹改復  
員外郎一人從六品上

周禮大宗伯屬官有上士後周依焉蓋今員外郎  
之職也隋開皇六年置之煬帝改為儀曹承務郎



皇朝武德初改為禮部員外郎。龍朔二年改為司禮員外郎。咸亨光宅神龍並隨曹改復。

主事二人。從九品上。

禮部郎中。員外郎。掌貳尚書侍郎。舉其儀制而辨其名數。凡五禮之儀。一百五十有二。一曰吉禮。其儀五十有五。一曰冬至祀圜丘。二曰祈穀于圜丘。三曰雩祀于圜丘。四曰大享于明堂。五曰祀青帝于東郊。六曰祀赤帝于南郊。七曰祀黃帝于南郊。八曰祀白帝于西郊。九曰祀黑帝于北郊。十曰禘祭百神于南郊。

十一曰朝日于東郊。十二曰夕月于西郊。十三曰祀風伯雨師靈星司中司命司人司祿。十四曰夏至祭方丘。十五曰祭神州于北郊。十六曰祭大社。十七曰祭五岳四鎮。十八曰祭四海四瀆。十九曰時享于大廟。二十曰禘享于大廟。二十一曰禘享于大廟。二十二曰拜五陵。二十三曰巡五陵。二十四曰祭先農。二十五曰享先蠶。二十六曰享先代帝王。二十七曰薦新于大廟。二十八曰祭司寒。二十九曰祭五龍壇。三十曰視學。三十一曰皇太子釋奠。三十二曰國學釋

奠。三十三日。釋奠于齊太公。三十四日。巡狩告園丘。三十五日。巡狩告社稷。三十六日。巡狩告宗廟。三十七日。巡狩。三十八日。封禪。三十九日。祈于太廟。四十日。祈于太社。四十一日。祈于北郊。四十二日。祈于岳瀆。四十三日。諸州祭社稷。四十四日。諸州釋奠。四十五日。諸州所祭。四十六日。諸縣祭社稷。四十七日。諸縣釋奠。四十八日。諸縣所祭。四十九日。諸太子廟時享。五十日。王公已下時享其廟。五十一日。王公已下禘享其廟。五十二日。王公已下禘享其廟。五十三日。禘享其廟。五十四日。王公已下時祭。五十五日。王公已下時祭其廟。五十六日。六品已下時祭。五十七日。王公已下拜掃。

四品已下時享其廟。五十四日。六品已下時祭。五十五日。王公已下拜掃。二日。賓禮。其儀有六。一曰。蕃國王來朝。二曰。戒蕃王見。三曰。蕃王奉見。四曰。受蕃使表及幣。五曰。燕蕃國王。六曰。燕蕃國使。三日。軍禮。其儀二十有三。一曰。親征。類于上帝。二曰。宜于太社。三曰。告于太廟。四曰。禡于所征之地。五曰。鞞于國門。六曰。告所過山川。七曰。宜露布。八曰。勞軍將。九曰。講武。十曰。田狩。十一日。射于射宮。十二日。觀

射于射宮。十三日。遣將出征宜于太社。十四日。遣將告于太廟。十五日。遣將告于大公廟。十六日。祀馬祖。十七日。享先牧。十八日。祭馬社。十九日。祭馬步。二十日。合朔伐鼓。二十一日。合朔諸州伐鼓。二十二日。大儺。二十三日。諸州縣儺。

四日。嘉禮。其儀有五十。一曰。皇帝加元服。二曰。納后。三曰。正至受皇太子朝賀。四曰。皇后正至受皇太子朝賀。五曰。正至受皇太子妃朝賀。六曰。皇后正至受皇太子妃朝賀。七曰。正至受群臣朝賀。八曰。千秋節。

受群臣朝賀。九曰。皇后正至受群臣朝賀。十曰。皇后受外命婦朝賀。十一曰。皇帝於明堂讀春令。十二曰。讀夏令。十三曰。讀秋令。十四曰。讀冬令。十五日。養老于大學。十六曰。臨軒冊皇后。十七曰。臨朝冊皇太子。十八曰。冊皇太子妃。十九曰。臨軒冊王公。二十曰。朝堂冊諸臣。二十一日。冊內命婦。二十二曰。遣使冊授官爵。二十三日。朔日受朝。二十四曰。朝集使辭見。二十五曰。皇太子加元服。二十六曰。納妃。二十七曰。正至受群臣賀。二十八曰。受宮臣賀。二十九曰。與師傅

保相見。三十日。受朝集使參辭。三十一日。親王冠。三十二日。納妃。三十三日。公主降嫁。三十四日。三品已上冠。三十五日。四品已下冠。三十六日。六品已下冠。三十七日。三品已上婚。三十八日。四品已下婚。三十九日。六品已下婚。四十日。朝集使禮見及辭。四十一日。任官初上。四十二日。鄉飲酒。四十三日。正齒位。四十四日。宣赦書。四十五日。群臣詣闕上表。四十六日。群臣起居。四十七日。遣使慰勞諸蕃。四十八日。遣使宣撫諸州。四十九日。遣使諸州宣制。五十日。遣使諸

州宣赦書。

五曰。凶禮。其儀一十有八。一曰。凶年振撫。二曰。勞問疾患。三曰。中宮勞問。四曰。皇太子勞問。五曰。五服制度。六曰。皇帝為小功已上舉哀。七曰。敕使弔祭。八曰。會喪。九曰。冊贈。十曰。會葬。十一曰。致奠。十二曰。皇后舉哀弔祭。十三曰。皇太子舉哀弔祭。十四曰。皇太子妃舉哀弔祭。十五曰。三品已上喪。十六曰。四品已下喪。十七曰。六品已下喪。十八曰。王公已下喪。

禮制通議具新五禮。開元二十年修。凡一百五十

凡君臣上下皆有通稱。凡夷夏之通稱。天子曰皇帝。臣下內外兼稱曰至尊。天子自稱曰朕。臣下敷奏於天子曰陛下。服御曰乘輿。行幸曰車駕。皇太子已下率土之內。於皇帝皆稱臣。六宮已下率土之內。婦人於太皇太后皇太后皇后皆稱妾。百官曰殿下。自稱曰臣。百官於皇太子亦曰殿下。自稱名。東宮官則稱臣。凡散官正二品。職事官從二品已上。爵郡王已上。於公文皆不稱姓。凡六品已上官人奏事皆自稱官。

號臣姓名。然後陳事。

通事舍人侍御史殿中侍御史則不稱官號。

凡上表疏牋啓及判策文章如平闕之式。

謂昊天、后土、天神、地祇、上帝、天帝、廟號、祧、皇祖、妣、皇考、皇妣、先帝、先后、皇帝、天子、陛下、至尊、太皇太后、皇太后、皇后、皇太子皆平出。宗廟社稷太社、太稷、神主、山陵、陵號、乘輿、車駕、制書、敕旨、明制、聖化、天恩、慈旨、中宮、御前、闕庭、朝廷之類。並闕字。宗廟中陵中行陵中樹木待制乘輿車中馬舉陵廟名。

為官如此之類皆不闕字若泛說古典延及天地  
不指說平闕之名者亦不平出若寫經史群書及  
撰錄舊事其文有犯國諱者皆為字不成

凡元日大陳設於太極殿

今大明宮於含元殿在都則於乾元殿

皇帝袞冕臨軒展宮縣之樂陳歷代寶玉輿輅備黃  
麾仗二王後及百官朝集使皇親諸王並朝服陪位  
皇太子獻壽次上公獻壽次中書令奏諸州表黃門  
侍郎奏祥瑞戶部尚書奏諸州貢獻禮部尚書奏諸

蕃貢獻大史令奏雲物侍中奏禮畢然後中書令又  
與供奉官獻壽時殿上皆呼萬歲

按舊儀闕供奉官獻壽禮但位次立體畢竟無拜  
賀開元二十五年臣林甫謹草其儀奏而行之

大會之日陳設亦如之皇帝服通天冠皇太子稱觴  
獻壽次上公稱觴獻壽侍中宣賜束帛有差其日外  
命婦朝中宮為皇后稱觴獻壽司宮宣賜束帛有差  
凡冬至大陳設如元正之儀其異者皇帝服通天冠  
無諸州表奏祥瑞貢獻凡元正冬至大會之明日百

官朝集使等。皆詣東宮為皇太子獻壽。凡千秋節。皇帝御樓。設九部之樂。百官袴褶陪位。上公稱觴獻壽。凡京司文武職事九品已上。每朔望朝參。五品已上。及供奉官員外郎。監察御史。太常博士。每日朝參。凡蕃國王朝見。皆設官縣之樂及黃麾仗。若蕃國使則減黃麾之半。凡冊皇后皇太子皇太子妃諸王王妃公主。並臨軒冊命。陳設如冬正之儀。訖皆拜太廟。凡車駕巡幸及還京。百官辭迎。皆於城門外。留守宮內者。在殿門外。行從官每日起居。兩京文武職事五品

已上。三日一奉表起居。三百里內刺史朝見。東都留守文武官。每月於尚書省拜表。及留守官共遣使起居。皆以月朔日使奉表以見。中書舍人一人受表以進。北都留守每年一起居。凡皇太子行先一日。在京文武職事五品已上。並詣宮辭。還宮明日詣宮參。凡元正若皇帝加元服。皇太后加號。皇后皇太子初立。天下諸州刺史若京官五品已上在外者。奉表疏賀。皆禮部整比送中書。總奏之。凡祥瑞應見。皆辨其物名。若大瑞。

謂景星慶雲黃真人河精麟鳳鸞比翼鳥同心鳥  
 永樂鳥富貴吉利神龜龍騶虞白澤龍馬澤馬白  
 馬赤髦白馬朱駿騰黃駒駝按一本表神馬之目  
 龍馬已下六名以為  
註周匝角端獬豸比肩獸六足獸茲白白象一角  
 獸天鹿鼈封首耳豹犬露犬玄珪明珠玉英山稱  
 萬歲慶山山車象車烏車根車金車朱草屈軼莫  
 莢平露萋莆蒿柱金牛玉馬玉猛獸玉兪神鼎銀  
 瓮丹甌醴泉浪井河水清江河水五色海水不揚  
 波之類

上瑞。

謂三角獸白狼赤羆赤熊赤狡赤兎九尾狐白狐  
 玄狐白鹿白麋白兕玄鶴赤鳥青鳥三足鳥赤燕  
 赤雀比目魚甘露廟生祥木福草禮草萍實大貝  
 白玉赤文紫玉玉羊玉龜玉牟玉典黃銀金藤珊  
 瑚鈎駭鷄犀及戴玉璜璧琉璃鷄趣之類典或作英  
 藤作勝  
 中瑞。

謂白鳩白鳥蒼鳥白羣白鷓雄白首翠鳥黃鵠小鳥  
 生大鳥朱雁五色雁白雀赤狐黃羆黃熊玄貉赤



豹、白兔、九真奇獸、流黃出谷、澤谷生白玉琅玕、景  
 碧石潤色、地出珠、陵出黑丹、威委威綏、延喜福并  
 紫脫常生實、連闊達、善茅、草木長生之類、黃羆或作青羆  
 下瑞。

謂秬秠嘉禾、芝草華平、人參生竹實、滿椒桂合生  
 木、連理嘉木、戴角鹿、駮鹿、駮或作鹿神雀、冠雀、黑雉、  
 白鵲之類、

皆有等差。若大瑞隨即表奏。文武百僚詣闕奉賀。其  
 他並年終員外郎具表以聞。有司告廟。百僚詣闕奉

賀。其鳥獸之類。有生獲者。各隨其性而放之原野。其  
 有不可獲者。若木連理之類。所在案驗。非虛。具圖畫  
 上。凡大陽虧。所司預奏其日。置五鼓五兵於大社。皇  
 帝不視事。百官各素服守本司。不聽事。過時乃罷。月  
 蝕則擊鼓於所司救之。若五嶽四鎮四瀆崩竭。皆不  
 視事三日。凡二分之月。三公巡行山陵。則太常卿為  
 之副焉。

若獻祖懿祖二陵。令趙州刺史年別一度巡行。  
 凡百官拜禮各有差。文武官三品已下。拜正一品。

中書門下則不拜。東宮官拜三師。四品已下拜三少。自餘屬官於本司。隔品者皆拜焉。其准品應致敬。而非相統攝則不拜。謂尚書都事於諸司。郎中。殿中主事於主局直長之類。其品雖卑。則亦不拜。若流外官拜本司品官。凡致敬之式。若非連屬應敬之官相見。或有親戚者。各從其私禮。諸官人在路相遇者。四品已下遇正一品。東宮四品已下遇三師。諸司郎中。遇丞相。皆下馬。

凡行路之間。賤避貴。少避老。輕避重。去避來。凡國有五聲。八音。

五聲。謂宮。商。角。徵。羽。八音。謂金。石。絲。竹。匏。土。革。木。六律。六呂。

六律。黃鍾。太簇。姑洗。蕤賓。夷則。無射。六呂。大呂。夾鍾。中呂。林鍾。南呂。應鍾。

陳四縣之度。

謂宮縣。軒縣。判縣。特縣。

分二舞之節。

謂文舞武舞

以和人倫。以調節氣。以享鬼神。以序賓客。

凡衆樂之制。並載太常寺。

凡私家不得設鍾磬。三品已上。得備女樂。五品已上。女樂不得過三人。居大功已上。喪受州及之官。雖有鼓樂。縱而不作。凡太廟太社。及諸宮殿門。東宮。及一品已下。諸州門。施戟有差。

太廟太社。及諸宮殿門。各二十四戟。東宮諸門。十八戟。正一品門。十六戟。開府儀同三司。嗣王。郡王。

若上柱國。柱國。帶職事。二品已上。及京兆河南大原府大都督。大都護門。十四戟。上柱國。柱國。帶職事。三品已上。中都督府。上州。上都護門。十二戟。國公。及上護軍。護軍。帶職事。三品已上。下都督。中下州門。一十戟。

凡內外百司。皆給銅印一鈕。

其吏部司勳。各置二印。兵部置一印。考功。駕部。金部。尚食。尚乘。局。各別置一印。其文曰某司之印。東都。即云東都某司之印。內外諸司。有傳符銅符之

處各給封符印一枚發驛封符及封魚函則用之  
諸司從行者各給行從印其文曰某司行從之印  
駕還則封納本司  
凡內外百官有魚符之制  
○据舊唐志此下脫二凡今舉成文以附卷末  
並出於門下省

凡服飾尚黃旗幟尚赤乘輿之服則有大裘冕充冕  
鷩冕毳冕絺冕玄冕通天冠武弁弁服黑介幘白紗  
帽平巾幘翼善冠之服  
並出於殿中省

皇后之服則有禕衣鞠衣鈿釵禮衣之制  
並出於內侍省  
皇太子之服則有衮冕具服遠遊冠公服遠遊冠烏  
紗帽弁服平巾幘進德冠之服  
並出於左春坊  
皇太子妃之服則有褕翟鞠衣鈿釵禮衣之制  
並出於右春坊  
凡王公第一品服衮冕垂青珠九旒以雜為纓色如  
其綬青纒充耳角簪導青衣纁裳九章每章一行重

以為等。每行九。白紗中單黼領。青襪。襪。革帶。鈎。髀。大帶。鞞。劍。珮。綬。朱鞞。赤舄。二品服鷩冕。八旒。七章。餘同衮冕。三品服毳冕。七旒。五章。餘同鷩冕。四品服絺冕。六旒。三章。餘同毳冕。五品服玄冕。五旒。一章。餘同絺冕。六品至九品服爵弁。玄纓。簪。導。青衣。纁裳。白紗中單。青領。襪。襪。革帶。劍。髀。大帶。爵鞞。白鞞。赤履。凡冕服及爵弁服。助祭親迎則服之。若私家祭祀。三品已上。及褒聖侯祭孔宣父。皆服玄冕。五品已上。服爵弁。六品已下。通服進賢冠之服。若職事官。三品已上。

有公爵者嫡子。婚聽假絺冕。五品已上。孫。九品已上。子。及五等爵。婚皆假以爵弁。庶人婚假以絳公服。凡百官朝服。冠幘纓。簪。導。絳紗單衣。白紗中單。皂領。襪。襪。白裙。襪。革帶。鈎。髀。假帶。曲領方心。絳紗蔽膝。鞞。鞞。劍。雙佩。雙綬。六品已下。去劍佩綬。陪祭朝會大事則服之。公服。冠幘纓。簪。導。絳紗單衣。白裙。襪。革帶。鈎。髀。假帶。曲領方心。鞞。履。紛鞞。囊。雙佩。六品已下去。紛鞞。囊。雙佩。朔望朝謁。見皇太子則服之。凡綬。親王。纁珠。綬。一品。綠。綬。二品。紫。綬。三品。青。綬。四品。黑。

綬。凡有綬則有紱。弁服。牙簪導。纓玉琪。朱衣素裳。革  
 鞞囊。小綬雙佩。白鞞烏皮履。一品九琪。二品八琪。三  
 品七琪。四品六琪。五品五琪。六品已下。去琪及鞞囊  
 綬佩。尋常公事則服之。平中幘之服。冠及褶依本品  
 色。並大口袴。起梁帶。烏皮鞞。武官及衛官。尋常公事  
 則服之。

若武官陪立大仗。加騰蛇衲襠。  
 袴褶之服。五品已上。通用細綾及羅。六品已下。用小  
 綾。朔望朝會則服之。

應著袴褶。亦起十月一日。至二月三十日已前。  
 凡百僚冠。

遠遊三梁冠。黑介幘。青綵。皆諸王服之。親王即加  
 金附蟬。進賢冠。三品已上三梁。五品已上兩梁。九  
 品已上一梁。三師三公。太子三師。三少。五等爵。尚  
 書省。秘書省。諸寺監。詹事府。東宮三寺。文散官。親  
 王。傳友。文學。國官。并諸州縣。并閩津岳瀆等。流內  
 九品已上服之。武弁。平中幘。武官及中書門下殿  
 中。內侍省。諸衛。及太子諸坊。諸率府。及鎮戍。流內

九品已上服之侍中中書令散騎常侍加貂蟬法  
冠一名獬豸監察御史臺流內九品已上服之高  
山冠內侍省内謁者等服之卻非冠亭長門僕服  
之進德冠五品已上附山雲加琪如弁服之制

笏

三品已上前詘後直五品已上前詘後挫並用象  
九品已上任用竹木上挫下方男已上聽依爵品  
執笏

緼

職事官五品已上及散官三品已上爵國公已上  
及縣令並用緼

幘

一品青油纁通幘朱裏三品已上青油通幘朱裏  
五品已上青油編幘碧裏

珂

三品已上九子四品七子五品五子

珮

一品山玄玉五品已上水蒼玉

寬政甲寅校訂

各有差。凡常服亦如之。

親王二品已上二王後服用紫飾以玉五品已上服用朱飾以金七品已上服用綠飾以銀九品已上服用青飾以鍮石流外庶人服用黃飾以銅鐵凡凶服不入公門。

遭喪被起在朝者各依本品著淺色絕縵周已下慘者朝參起居亦依品色無金玉之飾起復者朝會不預周喪未練大功未葬則亦准此例。

凡外命婦之服花釵翟衣受冊從蠶朝會婚嫁則服

之。

一品花釵九樹翟九等二品花釵八樹翟八等三品花釵七樹翟七等四品花釵六樹翟六等五品花釵五樹翟五等其服並素紗中單黼領朱標襪蔽膝青衣革帶青鞵烏珮綬其衣通用羅縠充鈿釵禮衣朝參辭見及婚會則服之。

一品九鈿二品八鈿三品七鈿四品六鈿五品五鈿並通用雜色制與翟衣同加雙珮小綬去烏加履。



凡婚嫁花釵禮衣。六品已下妻及女嫁則服之。

其釵覆笄而已。其兩博鬢任以金銀雜寶為飾。禮

衣則大袖連裳。青質素紗中單。朱襹襖。蔽膝。大帶。

以青衣革帶。革履。鞵。

其次花釵禮衣。庶人嫁女則服之。

釵以金銀塗瑠璃等飾。連裳青質。以青衣帶。革履。

鞵皆自制也。

凡婚嫁之服。若資蔭高者。皆從高。

女初嫁聽攝母服。廟見已後准常。

親王孺人服依本品。五品已上。媵降妻一等。妾降媵

一等。凡婦人常服。五等已上。諸親女婦。及五品已上

母妻通服者。從多給服。已終則不給。凡外職事五

品已上。在兩京薨卒。及身死王事。將葬。皆祭以少牢。

三品已上。贈以束帛。一品加乘馬。既引。又遣使贈於

郭門之外。皆以束帛。一品加璧。

致仕薨卒。並依職事見任之法。

凡百官葬禮。皆有轎車。引被。鐸。翣。明器。方相。魁頭之

制。皆載於鴻臚之職焉。凡碑碣之制。五品已上立碑。

螭首龜趺。趺上高不過九尺。文飾之。七品已上立碣。

圭首方趺。趺上高不過四尺。

若隱淪道素孝義著聞。雖不仕亦立碣。凡石人石獸

之類。三品已上用六。五品已上用四。

凡德政碑及生祠。皆取政績可稱。州為申省。省司

勘覆定。奏聞乃立焉。

祠部郎中一人。從五品上。

東晉置。歷宋齊梁陳後魏北齊皆有之。後周春官

府有典祠中大夫一人。隋有祠部侍郎。煬帝除侍

字。皇朝因稱郎中。龍朔二年改為司禮大夫。咸亨

元年復故。

員外郎一人。從六品上。

隋文帝置。煬帝改為承務郎。皇朝復為員外郎。龍

朔咸亨。隨曹改復。

主事二人。從九品上。

祠部郎中。員外郎。掌祠祀。亨祭。天文漏刻。國忌廟諱。

卜筮醫藥。道佛之事。凡祭祀之名有四。一曰祀天神。

寬政甲寅校訂

禮典

一曰。祭地祇。三曰。享人鬼。四曰。釋奠于先聖先師。其  
差有三。若昊天上帝。五方帝。皇地祇。神州宗廟。為大  
祀。日月星辰。社稷先代帝王。岳鎮海瀆。帝社先蠶。孔  
宣父齊太公。諸太子廟。為中祀。司中司命。風師雨師。  
眾星。山林川澤。五龍祠等。及州縣社稷釋奠。為小祀。  
冬至祀昊天上帝於圜丘。以高祖配焉。又祀東方青  
帝靈威仰。南方赤帝赤燼怒。西方白帝白招拒。北方  
黑帝叶光紀。中央黃帝含紀紐。及大明夜明於壇之  
第一等。又祀內官五十五。坐於壇之第二等。又祀中

官一百五十九。坐於壇之第三等。又祀外官一百五  
坐於內壇之內。眾星三百六十。坐於內壇之外。正月  
上辛。祈穀于圜丘。祀昊天上帝。以高祖配焉。祀五方  
帝於壇之第一等。孟夏之月。大雩於圜丘。祀昊天上  
帝。以大宗配焉。又祀五方帝於壇之第一等。又祀太  
昊炎帝黃帝少昊顓頊於壇之第二等。又祀勾芒祝  
融后土蓐收玄冥於內壇之內。季秋之月。大享於明  
堂。祀昊天上帝。以睿宗配焉。又祀五方帝。五帝。五官。  
各於其方。夏至祭皇地祇於方丘。以高祖配焉。又祭

神州於壇之第一等。五嶽四鎮四海四瀆五方山林川澤丘陵墳衍原隰。凡七十坐。皆於內壇之內。孟冬之月。祭神州地祇於北郊。奉太宗以配焉。立春之日。祀青帝於東郊。以太昊配焉。其勾芒氏及歲星東方三辰七宿並從祀。立夏之日。祀赤帝於南郊。以炎帝配焉。其祝融氏及熒惑南方三辰七宿並從祀。季夏土王日。祀黃帝於南郊。以軒轅配焉。其后土氏鎮星並從祀。立秋之日。祀白帝於西郊。以少昊配焉。

其蓐收氏及太白西方三辰七宿並從祀。立冬之日。祀黑帝於北郊。以顓頊配焉。其玄冥氏及辰星北方三辰七宿並從祀。春分之日。朝日於東郊。秋分之日。夕月於西郊。立春後丑日。祀風師於國城東北。立夏後申日。祀雨師於國城西南。立秋後辰日。祀靈星於國城東南。立冬後亥日。祀司中司命司人司祿於國城西北。仲春上戊祭太社。以后土氏配焉。祭太稷。以后稷氏配焉。仲秋之月。及臘日。亦如之。四孟月及臘日。大享太廟。春享則兼祭司命及戶。夏享則兼祭竈。

季夏之月。祭中霤。秋享則兼祭門及厲。冬享則兼祭行。若臘享則七祠徧祭。皆於太廟之西門內之南。凡三年一禘。享以孟冬。五年一禘。享以孟夏。皆七祀徧祭。若祫享則配享功臣。皆列於當室之前。

高祖之廟。則開府儀同三司淮南王神通。禮部尚書河間王孝恭。陝東道大行臺右僕射鄭國公殷開山。戶部尚書渝國公劉政令。戶部或作吏部。配饗太宗

之廟。則司空梁國公房玄齡。尚書左僕射英國公杜如晦。尚書右僕射申國公高士廉。配饗高宗之

廟。則司空英國公李勣。尚書左僕射北平縣公張行成。中書令高唐縣公馬周。配饗中宗之廟。則侍中平陽郡王敬暉。侍中扶陽郡王桓彥範。中書令博陵郡王崔玄暉。中書令漢陽郡王張柬之。中書令南陽郡王袁恕己。配饗睿宗之廟。則太子太傅許國公蘇瓌。尚書左丞相徐國公劉幽求。配饗孟夏吉亥。享先農於東郊。以后稷配焉。季春吉己。享先蠶於西郊。仲春上丁。釋奠于孔宣父。以顏回配焉。其七十二弟子。及先儒並從配。

謂子淵、子騫、伯牛、仲弓、子有、子路、宰我、子貢、子遊、  
子夏、曾參、顓孫師、澹臺滅明、宓子賤、原憲、公冶長、  
南宮括、公哲、哀、曾點、顏路、商瞿、高柴、漆雕開、公伯  
寮、司馬牛、樊遲、有若、公西赤、巫馬期、梁鱣、顏柳、冉  
孺、曹恤、伯虔、公孫龍、冉季產、秦子南、漆雕歛、顏子  
驕、漆雕徒父、穰駟赤、商澤、石作蜀、任不齊、公夏首、  
公良孺、石處、琴開、奚容蒧、公肩定、顏襄、懸單勾、井  
疆、宰父黑、秦商、申黨、公祖子之、榮子期、懸成、左人  
郢、燕級、辟子從、秦非、施之常、顏噲、步叔乘、顏之僕

原元籍、樂欣、廉潔、顏何、叔仲會、狄黑、邾選、孔忠、公  
西與、公西箴等、及左丘明、公羊高、穀梁赤、伏勝、高  
堂生、戴聖、毛萇、孔安國、劉向、鄭眾、杜子春、馬融、盧  
植、鄭玄、服虔、賈逵、何休、王肅、王弼、杜預、范甯等、凡  
九十八人、

仲秋之月。亦如之。仲春上戊。釋奠于齊太公。以留侯  
張良配焉。仲秋之月。亦如之。孟冬祭司寒於冰室。仲  
春祀馬祖。仲夏享先牧。仲秋祭馬社。仲冬祭馬步。並  
以剛日。皆於大澤之中。季冬臘日前寅。蜡百神於南

唐六典  
郊。大明夜明。神農后稷伊耆五官五星二十八宿十  
二辰五岳四鎮四海四瀆五方田畷青龍朱雀麒麟  
騶虞玄武及山林川澤丘陵墳衍原隰井泉水塘坊。  
於菟鱗羽介毛羸郵表畷猫昆蟲凡一百八十七坐。  
若其方有災害則闕而不祭。祭井泉於川澤之下。立  
春之日。祭東岳泰山於兗州。東鎮沂山於沂州。東海  
於萊州。東瀆淮水於唐州。立夏之日。祭南岳衡山於  
衡州。南鎮會稽山於越州。南海於廣州。南瀆江水於  
益州。季夏土王日。祭中岳嵩山於河南府。立秋之日。

祭西岳華山於華州。西鎮吳山於隴州。西海及西瀆  
河水於同州。立冬之日。祭北岳恒山於定州。北鎮鑿  
無閭於營州。北海及北瀆濟水於河南府。各於其境  
內。本州長官行焉。蜀州青城丈人山。每歲春秋二時  
享以蔬饌。委縣令行。側近以三兩人洒掃。凡三年一  
享。帝嚳氏於頓丘。享唐堯於平陽。而稷高配焉。享虞  
舜於河東。而咎繇配焉。享夏禹於安邑。而伯益配焉。  
享殷湯於偃師。而伊尹配焉。享周文王於鄠。太公配  
焉。享武王於鎬。而周公召公配焉。享漢高祖於長陵。

而蕭何配焉。皆以仲春之月。四時仲月。享隱。章懷懿德。節愍。惠莊。惠文。惠宣。七太子廟。令其子孫主祭。有司給牲牢樂縣。太常博士相禮焉。四時仲月。享隋文帝。周武帝廟。鄒公介公主祭。凡州縣皆置社稷。如京都之制。仲春上戊。州縣官親祭。仲秋上戊。亦如之。凡州縣皆置孔宣父廟。以顏回配焉。仲春上丁。州縣官行釋奠之禮。仲秋上丁。亦如之。凡官爵二品已上。祠四廟。五品已上。祠三廟。六品已下。達庶人祭祖禰而已。凡國有封禪之禮。則依園丘方澤之神位。

古封禪禮。多闕而不載。其玉檢文亦秘。代莫得知。開元十三年。上封泰山。乘馬直造山頂。唯一二太。臣得從焉。其玉檢文為蒼生祈福。當時不秘。人得以知之。

若親征。禡類昭告。各依本神位焉。

車駕巡幸。路次名山大川。古昔聖帝明王名臣將相陵墓及廟。應致祭者。名山大川三十里內。聖帝明王二十里內。名臣將相一十里內。並令本州祭之。



凡國有大祭祀之禮。皇帝親祭。則太尉為亞獻。光祿卿為終獻。若有司攝事。則太尉為初獻。太常卿為亞獻。光祿卿為終獻。孔宣父廟。則國子祭酒為初獻。司業為亞獻。國子博士為終獻。齊太公廟。則太常卿為初獻。少卿為亞獻。丞為終獻。諸小祀。唯官一獻。凡大祀。散齊四日。致齊三日。中祀。散齊三日。致齊二日。小祀。散齊二日。致齊一日。皆祀前習禮。沐浴。並給明衣。諸大祀。齊官皆於散齊日。平明集尚書省。受誓戒。其致齊日。三公於都省安置。所司鋪設。若車駕親

行。及齊官向祀祭之所。本司預告州縣及金吾相。知令平明清所行之路。道次不得見諸凶穢。縗經。及聞哭泣之聲。散齊日。不得弔喪。問疾。不判署刑。殺文書。不決罰罪人。

凡京師孟夏己後旱。則先祈岳鎮海瀆。及諸山川。能興雲雨者。皆於北郊望祭。又祈社稷。又祈宗廟。每七日一祀。不雨。還從岳瀆如初。旱甚。則修雩。秋分己後。雖旱不雩。雨足。皆報祀。若州縣。則先祈社稷。及境內山川。若霖雨。則京城禁諸門。門別三日。每日一祭。不

止祈山川岳鎮海瀆三日。不止祈社稷宗廟。若州縣則禁城門。及境內山川而已。凡天下觀總一千六百八十七所。一千一百三十七所道士。五百五十所女道士。每觀觀主一人。上座一人。監齋一人。共綱統衆事。而道士修行有三號。其一曰法師。其二曰威儀師。其三曰律師。其德高思精。謂之練師。而齋有七名。其一曰金籙大齋。調和陰陽。消災伏害。為帝王國王。延祚降福。

其二曰黃籙齋。

普為一切。拔度先祖。

其三曰明真齋。

學者自齋。齋先緣。

其四曰三元齋。

正月十五日。天官為上元。七月十五日。地官為中元。十月十五日。水官為下元。皆法身自懺。僞言罪

焉。

或無言字。

其五曰八節齋。

其修生求仙之法

其六曰塗炭齋。

通濟一切急難。

其七曰自然齋。

普為一切祈福。

而禳謝復三事。其一曰章。其二曰醮。其三曰埋沙。大

抵以虛寂自然無為為宗。

其法出於老子。自云有物混成。先天地生。視之不  
見。聽之不聞。搏之不得。湛然而存。隨感應物。厥跡

無常。奉其道者。咸蠲去邪累。澡雪心神。乃至白日

昇天。長生代上。又稱道官者。有三元府百二十官。

一切諸神咸所統攝。至有化金消玉。行符敕水。奇

方妙術。驅鬼役神之能。故好異者。共尊事之。又言

二儀之間。有三十六天。一天之中。三十宮。宮有一

主。最高者曰無極至尊。次曰太至真尊。次曰天覆

地載陰陽真尊。次曰供正真尊。其事甚妙。故啓叙

其宗旨也。蓋老子生於殷末。在周為守藏史。柱下

史。作為道書五千言。其要在清淨理國立身。至後

漢張道陵號天師闡揚其化周於四海者以顯其德

凡天下寺總五千三百五十八所其寺其數

三千二百四十五所僧二千一百一十三所尼唐舊

志四十五作三十五一十三作二十三

每寺上座一人寺主一人都維那一人共綱統眾事

而僧持行者有三品其一曰禪二曰法三曰律大抵

以清淨慈悲為宗

釋氏之源秦漢已前未傳中土漢武元狩中遣將

軍霍去病討匈奴殺休屠王獲其祭天金人帝以

為神列於甘泉宮金人率長丈餘不祭祀但燒香

禮拜而已至張騫使大夏聞其旁有身毒國一名

天竺國有浮屠之教哀帝元壽元年受大月氏王

使浮屠經後漢明帝永平三年夜夢金人頂有白

光飛行殿庭乃訪群臣侍中傅毅始以佛對於是

帝遣郎中蔡愔使於天竺國寫浮屠遺範愔乃與

沙門迦葉摩騰竺法蘭東還洛陽中國有沙門及

拜禮之法自此始也愔得佛經四十二章及釋迦

立像明帝令畫工圖佛像置清涼臺及顯節陵上  
情之還也。以白馬負經。因立白馬寺於洛城雍闓  
西。浮屠正號曰佛。陀譯之。則為淨覺。所謂佛者。本  
號釋迦文。即天竺伽維衛國王子。於四月八日  
夜。從母右脅而生。有三十二相。當周莊王九年。魯  
莊公七年。夏四月。彗星不見。夜明是也。以布施持  
戒忍辱。精進禪定。智慧為宗。所謂六波羅密者也。  
自齊梁之後。其道彌尊。率其文。亦三年一造。  
凡道士女道士。僧尼之簿籍。亦三年一造。

其籍一本還祠部。一本送鴻臚。一本留於州縣。  
凡道士女道士僧尼衣服。皆以木蘭青碧皂黃緇壞  
之色。

若服俗衣及綾羅。乘大馬。酒醉與人鬪打。招引賓  
客。占相吉凶。以三寶物餉饋官寮。勾合朋黨者。皆  
還俗。若巡內教化。和合婚姻。飲酒食肉。設食五辛。  
作音樂博戲。毀罵三綱。凌突長宿者。皆苦役也。  
凡道觀三元日。千秋節日。修金籙明真等齋。及僧寺  
別教設齋。應行道。官給料。高祖神堯皇帝。

五月六日、齊其車轡、

文穆皇后。武成十有四年、

五月一日、唐武宗、

太宗文武聖皇帝。武德九年、

五月二十六日、武德九年、

文德聖皇后。武德九年、

七月二十二日、武德九年、

高宗天皇太帝。武德九年、

十二月四日、武德九年、

太聖天后。武德九年、

十二月二十六日、武德九年、

中宗孝和皇帝。武德九年、

六月二日、武德九年、

和思皇后。武德九年、

四月七日、武德九年、

睿宗太聖真皇帝。武德九年、

六月十日、武德九年、

昭成皇后。武德九年、



正月二日、

皆廢務。

凡廢務之忌、若中宗己上、京城七日行道、外州三

日行道、睿宗及昭成皇后之忌、京城二七日行道、

外州七日行道、

八代祖獻祖宣皇帝。

十二月二十三日、

宣莊皇后。

六月三日、

七代祖懿祖光皇帝。

九月八日、

光懿皇后。

八月九日、

六代祖太祖景皇帝。

九月十八日、

景烈皇后。

五月六日、

五代祖代祖元皇帝。

寬政甲寅校訂

卷之九

五四月二十四日帝

元真皇后

三月六日

孝敬皇帝

四月二十五日帝

哀皇帝

十二月二十日

皆不廢務

京城一日設齋

凡國忌日。兩京定大觀寺各二。散齋。諸道士女道士及僧尼皆集于齋所。京文武五品已上。與清官七品已上。皆集行香以退。若外州亦各定一觀一寺以散齋。州縣官行香。應設齋者。蓋八十有一州焉。

謂四輔五府六雄十望。曾濮兗齊豫徐陳青亳仙涼秦瀛貝邢恒冀定趙滄德深博易相梁襄澤安綿梓遂眉邛果彭蜀漢潤越常蘇杭婺衢湖宣洪潭廣桂隴邠經□□等州是也。其道士女道士僧尼行道散齋。皆給香油炭料。若官設齋。道佛各施



物三十五段。供修理道佛。寫一切經。道士女道士。僧尼各施錢十二文。五品已上女及孫女出家者。官齋行道皆聽不預。若私家設齋。道士女道士僧尼兼請。不得過四十九人。凡遠忌日。雖不廢務。然非事務急切。亦不舉事。餘如常式。事務之事。或作軍非。

膳部郎中一人。從五品上。後魏職品令。太和中改定百官。都官尚書管左士郎。北齊河清令。改左士郎為膳部。隋亦號膳部郎。

皇朝為郎中。龍朔二年。改為司膳大夫。咸亨元年。復故。

員外郎一人。從六品上。

隋文帝置。煬帝改為承務郎。皇朝復為員外郎。龍朔咸亨。隨曹改復。

主事二人。從九品上。

膳部郎中。員外郎。掌邦之牲豆酒膳。辨其品數。凡郊祀天地日月星辰岳瀆。享祭宗廟百神。在京都者用牛羊豕。滌養之數。省聞之儀。皆載於廩。犧之職焉。若

諸州祭岳鎮海瀆先代帝王以大牢。州縣釋奠於孔  
宜父。及祭社稷。以少牢。具祈禳則以特牛。凡郊祀天  
地日月星辰岳瀆。及享宗廟百神。在京都者所用籩  
豆簠簋鈇斲俎之數。魚脯醢醢之味。石鹽菜果之羞。  
並載於大官之職焉。若諸州祭岳鎮海瀆。及先代帝  
王籩豆各十。簠簋各二。俎三。州縣祭社稷釋奠。每坐  
籩豆各八。簠簋俎如上。其所實之物。如京都之制。凡  
祀享齊酒所實之制。並載於良醞之職焉。凡天下之  
珍異甘滋之物。多少之制。封檢之宜。並載於尚食之

職焉。凡非因大禮。不得獻食。若因大慶獻食。及所司  
供進。並不得用犢若特羊。至厨生羔者。放長生。

若大齋日。皆進素食。其意用之羊。亦放為長生。  
凡諸陵所有進獻之饌。並載於陵令之職焉。凡親王  
已下。常食料各有差。

每日細白米二升。粳米梁米各一斗五升。粉二升。  
油五升。鹽一升半。醋二升。蜜三合。粟一斗。梨七顆。  
蘓一合。乾棗一升。木槿十根。炭十斤。蔥韭豉蒜薑  
椒之類各有差。每月給羊二十口。猪肉六十斤。魚

三十頭各一尺酒九斗  
三品已上常食料九盤。

每日細白米二升二合粳米八合麵二升四合酒  
一升半羊肉四分醬四合醋四合瓜三顆鹽豉蔥  
薑葵韭之類各有差木槿春二分冬三分五釐炭  
春三斤冬五斤  
四品五品常食料七盤。

每日細米二升麵二升三合酒一升半羊肉三分  
瓜兩顆餘並同三品若斷屠及決囚日停肉給油

一合小豆三合三品已上亦同此  
六品已下九品已上常食料五盤。

每日白米二升麵一升一合油三勺小豆一合醬  
三合醋三合豉鹽葵韭之類各有差木槿春二分  
冬三分

凡諸王已下皆有小食料午時粥料各有差復有設  
食料設會料每事皆如常食料又有節日食料。

謂寒食麥粥正月七日三月三日煎餅正月十五  
日晦日膏糜五月五日粽角七月七日斫餅九月

九日麻葛鮓十月一日黍臠皆有等差各有配食  
二料寒食麥粥五日三日三日原穀五日十二  
蕃客在館食料五等蕃客設食料蕃客設會料各有  
等差焉。

主客郎中一人從五品上。

漢舊儀云尚書郎四人其一主匈奴單于營部蓋  
主客之任也至魏為南主客晉氏主客分為左右  
六南北東晉省宋置主客齊梁陳並因之後魏職品  
令太和中吏部管南主客北主客祠部管左主客

右主客北齊河清令改左主客為主爵南主客為  
主客掌諸蕃雜客事隋開皇初為主客郎煬帝改  
為司藩郎皇朝初改為主客郎中龍朔二年改為  
司藩大夫咸亨元年復故  
員外郎一人從六品上。

隋文帝置煬帝改為承務郎皇朝復為員外郎龍  
朔咸亨隨曹改復

主事二人從九品上。

主客郎中員外郎掌二王後及諸蕃朝聘之事二王

之後鄼公賈休休書之王對齊諸蕃時雖云是

上隋室楊氏六品上

介公魏徵對齊諸蕃時雖云是

周室宇文氏中效處不詳

凡四蕃之國經朝貢已後自相誅絕及有罪見滅者

蓋三百餘國今所存者有七十餘蕃

謂三姓葛邏祿處密處同三姓姻茂堅昆拔番密

窟內月索殺下突厥奚契丹連悉靺鞨勃海靺鞨

室韋和解烏羅護烏素固達末婁達垢日本新羅

大食吐蕃波斯拔汗那康國安國名國俱戰提勃  
律國蜀賓國東天竺西天竺南天竺北天竺中天  
竺吐火羅國米國火燐國骨咄國訶毗施國曹國  
拂菻國謝颺勃時山屋馱國師子國真臘國尸科  
佛誓國婆利國葱嶺國俱住國林邑國護密國恒  
沒國悒怛國烏菴國迦葉彌羅國無靈心國蘇部  
瑟匿國史國俱密國于建國可薩國遏曜國霄阿  
薩般國龜茲國疎勒國于闐國焉耆國突騎施等  
七十國各有土境分為四蕃焉

唐六典 寬政甲寅校訂 卷之六

其朝貢之儀。享燕之數。高下之等。往來之命。皆載於鴻臚之職焉。

附錄

凡授都督刺史。階未入五品者。並聽著緋珮魚。離任則停。

凡文武官赴朝諸府。導從各有差。

並舊唐志

職事一品及開府儀同三司。驃騎大將軍。聽七騎。二品及特進。五騎。三品及散官。三騎。四品。五品。兩騎。六品。已下一騎。其散官及以理去官。五品已上。

導從不得過兩騎。若京城外導從。不在此限。

冊府元龜

○已上並可補綴禮部郎中職。有魚符之制之下。

大唐六典尚書禮部卷第四終

唐六典

寬政甲寅校訂

馬

大觀者世備書錄序卷六由...  
 尚書省...  
 侍郎...  
 丞...  
 主簿...  
 員外郎...  
 郎中...  
 令史...  
 書令史...  
 掌固...  
 駕部...  
 員外郎...  
 主事...  
 令史...  
 書令史...  
 掌固...  
 駕部...  
 員外郎...  
 主事...  
 令史...  
 書令史...  
 掌固...

大觀者世備書錄序卷六由...  
 尚書省...  
 侍郎...  
 丞...  
 主簿...  
 員外郎...  
 郎中...  
 令史...  
 書令史...  
 掌固...  
 駕部...  
 員外郎...  
 主事...  
 令史...  
 書令史...  
 掌固...  
 駕部...  
 員外郎...  
 主事...  
 令史...  
 書令史...  
 掌固...  
 駕部...  
 員外郎...  
 主事...  
 令史...  
 書令史...  
 掌固...

舊唐志作二十人

唐六典 寬政甲寅校訂 九

庫部郎中一人

員外郎一人

主事二人

令史七人

書令史十五人

掌固四人

兵部尚書一人。正三品。

周之夏官卿也。漢置五曹。未有主兵之任也。魏始置五兵尚書。謂中兵外兵騎兵別兵都兵也。晋太

大唐六典尚書兵部卷第五

御撰 集賢院學士兵部尚書兼中書令修國史

上柱國開國公臣李林甫等奉

敕註上

兵部尚書一人

侍郎二人

郎中二人

員外郎二人

主事四人



令史三十七人 舊唐志作三十人

書令史六十人

制書令史十三人

甲庫令史十二人

亭長八人

掌固十二人


職方郎中一人 國公曰李林甫等本

員外郎一人 書其後尚書兼中書令

主事二人 中書省主事

始中省五兵尚書太康中又置七兵尚書以舊五兵尚書中兵外兵分為左右東晉及宋又為五兵孝武大明二年又省之順帝昇明元年又置歷齊梁陳後魏北齊皆置五兵尚書後周依周官置大司馬卿一人隋改為兵部尚書皇朝因之龍朔二年改為司戎大常伯咸亨元年復為兵部尚書光宅元年改為夏官尚書神龍元年復故侍郎二人正四品下

周禮夏官小司馬中大夫也漢以來尚書侍郎今



郎中之任也。後周依周官，隋煬帝置兵部侍郎。皇朝因之。龍朔二年，改為司戎少常伯。咸亨元年，復為兵部侍郎。總章元年，增置一員。光宅神龍，並隨曹改復。

兵部尚書侍郎之職，掌天下軍衛武官選授之政令。凡軍師卒戍之籍，山川要害之圖，廢牧甲仗之數，悉以咨之。其屬有四：一曰兵部，二曰職方，三曰駕部，四曰庫部。尚書侍郎總其職務，而奉行其制命。凡中外百司之事，由於所屬，咸質正焉。凡選授之制，每歲孟

冬以三旬會其人，去王城五百里，集於上旬，千里之內，集於中旬，千里之外，集於下旬，以三銓領其事。一曰尚書銓，二曰東銓，三曰西銓。

尚書為中銓，兩侍郎分為東西銓。以五等閱其人：一曰長塚，二曰馬射，三曰馬槍，四曰步射，五曰應對。以三奇拔其選：一曰驍勇，二曰材藝，三曰可為統領之用，其尤異者，登而任之，否則量以退焉。然後據其狀以覈之，考其能以進之，所以錄深功，拔奇藝，備軍國，綜勲賢也。五品已上，皆奏聞而制

授焉。六品已下。則量資注擬。其在軍鎮要籍。不得赴選。委節度使銓試。具等第以申焉。其三奇五等之選。有殊尤者。得令宿衛。其宿衛皆帶本官以充。其選人有自文資入者。取少壯六尺已上。材藝超絕。考試不堪。還送吏部。凡官階注擬。團甲進甲。皆如吏部之制。凡大選終於季春之月。所以審名實之銓綜。備戎仗之物數。以戒軍令。而振國容焉。郎中二人。從五品上。

周禮大司馬屬官。有軍司馬。下大夫。蓋郎中之任也。魏有五兵郎曹。皆置郎中。晉有七兵。皆置郎中。宋有中兵外兵騎兵。元嘉已後。省騎兵。齊因之。梁陳有左中兵右中兵。左外兵右外兵。騎兵郎曹。皆置侍郎。亦郎中之任也。後魏北齊有左中兵右中兵。左外兵右外兵。都兵郎曹。並置郎中。後周依周官。隋初置兵部郎曹。置侍郎一人。煬帝除侍字。又改為兵曹郎。武德初。依隋三年。改為兵部郎中。龍朔二年。改為司戎大夫。咸亨先宅神龍。並隨曹改。

復。員外郎二人。從六品上。

周禮大司馬屬官。有輿司馬。上士。後周依焉。蓋員外郎之任也。隋開皇六年。置兵部員外郎。煬帝改為兵曹承務郎。皇朝改為兵部員外郎。龍朔二年。改為司戎員外郎。咸亨光宅神龍。並隨曹改復。主事四人。從八品下。

隋煬帝初置。為從九品下。開元二十四年。敕改為八品。大凡

郎中一人。掌考武官之勳祿。品命。以二十有九階。承而叙焉。從一品。曰驃騎大將軍。

漢有驃騎將軍霍去病。後漢有東平王蒼。魏有王景。晉有紀瞻。王駿。並為之。齊職儀云。驃騎品秩第一。金章紫綬。武冠絳朝服。佩水蒼玉。梁官品令。雜號將軍。一百二十五。分為二十四班。班多者為貴。驃騎班第二十四。陳品第一。秩中二千石。後魏職品令。第二。後周驃騎大將軍九命。隋官品令。驃騎正四品。皇朝定令。為武散官。從一品。

正二品曰輔國大將軍。

魏甲辰令、晉官品令、梁官品令、並第三品。後魏從

第三品。後周七命、隋從六品下。皇朝改焉。

從二品曰鎮軍大將軍。

魏志曰、文帝以陳群為鎮軍大將軍、秩二千石。晉

公卿秩云、楊駿、胡奮、並領之。齊職儀云、品第三。後

周八命、隋正六品下。皇朝改焉。

正三品曰冠軍大將軍。

史記曰、楚義帝以宋義為卿子冠軍。漢武帝以霍

去病功冠三軍、封冠軍侯。其名起於此也。魏以文

欽為冠軍將軍。齊職儀云、品秩第三。晉令云、金章

紫綬、給五時服、武冠、佩水蒼玉。梁令、第三品。陳品

第四。秩中二千石。隋令、正六品下。皇朝改焉。

懷化大將軍。

皇朝所置、以授蕃官。

從三品曰雲麾將軍。

梁班第十八。陳品第四。秩中二千石。

歸德將軍。

皇朝所置以授蕃官

正四品上曰忠武將軍

梁班第十九陳品第四秩中二千石

正四品下曰壯武將軍

梁大通三年又置二百四十號將軍為四十四班

壯武班第十六陳品第六秩二千石

從四品上曰宣威將軍

皇朝所置按後魏志尚有宣威將軍

從四品下曰明威將軍

梁班第十二後魏職品令正六品上

正五品上曰定遠將軍

梁班第十二凡諸將軍亦為二十四班止施於外


正五品下曰寧遠將軍

晉官品令第五品

從五品上曰游騎將軍

魏甲辰令第四品陳秩二千石

從五品下曰游擊將軍



漢書曰武帝以蘇建韓說為游擊將軍後漢紀云  
光武以鄧晨為之晉官品令第四品陳秩二千石  
正六品上曰昭武校尉下曰昭武副尉從六品上曰  
振威校尉下曰振威副尉正七品上曰致果校尉下  
曰致果副尉從七品上曰翊麾校尉下曰翊麾副尉  
正八品上曰宣節校尉下曰宣節副尉從八品上曰  
禦侮校尉下曰禦侮副尉正九品上曰仁勇校尉下  
曰仁勇副尉從九品上曰陪戎校尉下曰陪戎副尉  
漢書百官表校尉皆二千石武帝置陪戎改為散官

皇朝因之

凡懷化歸德將軍量配於諸衛上下其餘並兵部定  
其番第  
五百里內七番一千里內八番二千里內十番二  
千里外十二番並一月上四品已下九品已上於  
兵部上下五百里內四番一千里內五番二千里  
內六番二千五百里內七番三千里內八番各一  
季上三千里外免番隨須追集也  
番滿者六品已下並聽預簡選量其才能或留本司

或送吏部。五品已上。則奏聞。凡叙階之法。一如文散官之制。凡天下之府五百九十四。有上中下。並載於諸衛之職。凡應宿衛官。各從番第。諸衛將軍。中郎將。郎將。及諸衛率。副率。千牛備身。備身左右。太子千牛。并長上折衝。果毅。應宿衛者。並一日上。兩日下。諸色長上。若司階。中候。司戈。執戟。並五日上。十日下。諸應外職。掌押當及分司者。則年支焉。若左右羽林將軍。每夜各一人更直。中郎將。郎將。亦如之。長人長上。每日上。隨仗下。

長人。取六尺六寸已上。厚濶者四十人。分左右監門衛備。四考。依出身例。授武散官。依舊長上。蕃人任武官者。並免入宿。任三衛者。配玄武門者。一日上。兩日下。配南衙者。長番。每年一月上。凡千牛備身。備身左右。及太子千牛。皆取三品已上職事官子孫。四品清官子。儀容端正。武藝可稱者。充五考。本司隨文武簡試聽選。加階。應入武品。折其一考。四品。謂諸司侍郎左右庶子。



凡殿中省進馬。取左右衛三衛及高蔭簡儀容可觀者。補充分為三番上下。考第簡試。同千牛例。僕寺進馬亦如之。凡勲官十有二等。

並載於司勲之職。

皆量其遠邇。以定其番第。

五百里內五番。一千里內七番。一千五百里內八番。二千里內十番。二千里外十一番。各一月上。每上或分配諸司。上州及都督府。番別各聽留六十人。中州四十五人。下州三十五人。分配監當城門。

倉庫亦量於數內。通融配給。當州人少者。任取五十已上。五十九已下。及輕疾丁。充並五番。上皆一月。

五品已上四年。七品已上五年。多至八年。年滿簡送吏部。不第者如初。無文聽以武選。凡左右衛親衛勲衛。翊衛及左右率府親勲翊衛。及諸衛之翊衛。通謂之三衛。擇其資蔭高者。為親衛。取三品已上子。二品已上孫。為之。

其次者。為勲衛及率府之親衛。

其四品子、三品孫、二品已上之曾孫為之。

又次者為翊衛及率府之勳衛。

四品孫、職事官五品子孫、三品曾孫、若勳官三品

有封者及國公之子為之。

又次者為諸衛及率府之翊衛。

五品已上并柱國、若有封爵兼帶職事官子孫為之。

又次者為親王府執仗執乘。

散官五品已上子孫為之。

凡三衛皆限年二十已上、每歲十一月已後、本州

申兵部團甲進甲、盡正月畢。

其入衛雜配、並注甲長、定不得移改。

量遠通以定其番第。

五百里內五番、一千里內七番、一千里外八番、各

一月上、三千里外九番、各陪其月、月各陪三十六

應補之人、周親已上、有犯刑戮者、配令兵部上下、凡

諸衛及率府三衛、貫京兆河南蒲同華岐陝懷汝鄭

等州、皆令番上、餘州皆納資而已。

寬政甲寅校訂

萬古堂

應納資者。每年九月一日。於本貫及寄任處輸納。本貫挾名錄申兵部。凡左右衛之三衛。分為五仗。一曰親仗。二曰供奉仗。三曰勲仗。四曰翊仗。五曰散手仗。每月各配三十六人。而上下焉。其五仗上下。及引駕細引。考以五。左右衛之他職掌。及左右率府之勲衛。考以六。

左右率府之三衛。帖五仗上下者。亦六考。


諸衛及率府之翊衛。考以八。考滿兵部校試。有文堪時務。則送吏部。無文則加其年階。以本色遷授。若有

才用。考內得補主帥。及監門校尉直長。凡左右衛。左右率府三衛。經三考已上者。得補引駕細引。考滿簡試如三衛。

三衛違番者。徵資一千五百文。仍勒陪番。有故者免徵資。三番不到。注呈毀奪告身。有故者亦陪番。凡王公已下。皆有親事。帳內。

六品七品子。為親事。八品九品子。為帳內。限年十八已上。舉諸州率萬人已上充之。

親王。嗣王。郡王。開府儀同三司。及三品已上官帶。



勲者差以給之。並本貫納其資課。皆從全部給付。皆限十周年。則聽其簡試。文理高者送吏部。其餘留本司。全下者退還本色。凡兵士隸衛。各有其名。左右衛曰驍騎。左右驍衛曰豹騎。左右武衛曰熊渠。左右威衛曰羽林。左右領軍衛曰射聲。左右金吾衛曰欣飛。東宮左右衛率府曰超乘。左右司禦率府曰旅賁。左右清道率府曰直盪。總名曰衛士。皆取六品已下子孫。及白丁無職役者。點充。凡三年一簡點。成丁而入。六十而免。量其遠通。以定番第。

百里外五番。五百里外七番。一千里外八番。各一日上。二千里外九番。倍其月上。若征行之鎮守者。免番而遣之。

凡衛士各立名簿。具三年已來征防若差遣。仍定優劣為三等。每年正月十日。送本府印記。仍錄一通。送本衛府。若有差行上番。折衛府據簿而折之。若征行及使。經兩番已上者。免兩番。兩番已下者。並一番者。不免番。還日即當番者。免上番。凡差衛士征戍鎮防。亦有團伍。其善弓馬者。為越騎。

團餘為步兵團。主帥已下，統領之火十人，有六駃馬。若無馬鄉，任備驢騾及牛。若父兄子弟，不併遣之。若祖父母、父母老疾，家無兼丁，免征行及番上。其常居則皆習射，唱大角歌，番集之日，府官率而課試。凡左右金吾衛有角手，諸衛有弩手，左右羽林軍有飛騎，及左右萬騎有彊騎。天下諸軍有健兒。

舊健兒在軍，皆有年限，更來往頗為勞弊。開元二十五年，敕以為天下無虞，宜與人休息。自今已後，

諸軍鎮量閑劇利害，置兵防健兒於諸色征行人內，及客戶中召募，取丁壯情願充健兒，長往邊軍者，每年加常例給賜，兼給永年優復，其家口情願同去者聽。至軍州各給田地居宅，人賴其利，中外獲安，是後州郡之間，永無徵發之役矣。皆定其籍之多少，與其番之上下。

其所取人，並具於本衛。每季上中書門下，凡關內團結兵，京兆府六千三百二十七人，同州六千七百三十六人，華州五千二百

二十三。人。蒲州。二千七百三十五人。

選丁戶殷贍身材強壯者充之。免其征賦。仍許在  
家常習弓矢。每年差使依時就試。

秦成岷渭河蘭六州。有高麗羗兵。

皆令當州上佐一人。專知統押。每年兩度教練。使  
知部伍。如有警急。即令赴援。諸州城傍子弟。亦常  
令教習。每年秋集本軍。春則放散。

黎雅邛翼茂五州。有鎮防團結兵。

並令刺史自押領。若須防遏。即以上佐及武官充。

凡天下諸州差兵。取戶殷丁多。人材驍勇。選前資官  
勲官。部分強明堪統攝者。節級擢補。主帥以領之。其  
義征者。別為行伍。不入募人之營。凡軍行器物。皆於  
當州分給之。如不足。則令自備。貧富必以均焉。凡諸  
州軍府。應行兵馬之名簿。器物之多少。皆申兵部。軍  
散之日。亦錄其存亡多少。以申而勘會之。凡諸道迴  
兵糧糶之物。衣資之費。皆令所在州縣分而給之。  
即中一人。掌判簿。以總軍戎差遣之名數。凡天下之  
節度使有八。其一曰。關內朔方節度使。其統有單于。

安北。東受降城。中受降城。西受降城。豐安軍。定遠城。皆屬焉。其二曰。河東節度使。其統有大同。橫野。岢嵐。三軍。雲中守捉使屬焉。其三曰。河北幽州節度使。其統有經畧。平盧。靜塞。威武。清夷。橫海。高陽。唐興。恒陽。北平十軍。安東鎮守。榆關守捉。北平守捉。三使屬焉。其四曰。河西節度使。其統有赤水。大斗。建康。玉門。墨離。豆盧六軍。新泉守捉。甘州守捉。肅州鎮守。三使屬焉。其五曰。隴右節度使。其統有臨洮。河源。白水。安人。積石。莫門。振威七軍。平夷。五門。富耳。藍州。平戎。綏和。

五守捉使皆屬焉。其六曰。劍南節度使。其統有昆明軍。松州。當州。防禦。邛峽守捉。姚嵩州。經畧四使屬焉。其七曰。磧西節度使。其統有安西。踈勒。于闐。焉耆。為四鎮。經畧使。又有伊吾。瀚海二軍。西州鎮守使屬焉。其八曰。嶺南節度使。其統有廣。桂。邕。容。安南等五府。經畧使。若諸州在節度內者。皆受節度焉。其福州。經畧使。登州。平海軍。則不在節度之內。凡親王。總戎。則曰元帥。文武官。總統者。則曰總管。以奉使言之。則曰節度使。有大使焉。有副大使焉。有副使焉。有判官焉。

若大使加旌節以統軍。置木契以行動。凡將帥出行。兵滿一萬人已上。置長史。司馬。倉曹。曹曹。兵曹參軍各一人。五千人已上。置副使一人。一萬人已上。置營田副使一人。每軍皆有倉曹。兵曹。曹曹參軍各一人。赤水。臨洮。河源等軍。加曹曹參軍一人。朔方五城。各加曹曹參軍一人。其橫海。高陽。唐興。恒陽。北平等五軍。皆本州刺史為使。

其兵各一萬人。十月已後募分為三番教習。五千人。置總管一人。以折衝充。一千人。置子將一人。以果毅充。五百人。置押官一人。以別將及鎮戎官充。凡鎮皆有使一人。副使一人。一萬人已上。置司馬。倉曹。兵曹參軍各一人。五千人已上。減司馬。凡諸軍鎮。每五百人。置押官一人。一千人。置子總管一人。五千人。置總管一人。凡諸軍鎮。使副使已上。皆四年一替。總管已上。二年一替。押官隨兵交替。副使總管。取折衝已上。充子將已上。取果毅已上。



充

凡諸軍鎮大使副使已下皆有僉人別奏以為之使  
 大使三品已上僉二十五人別奏十人  
 四品五品僉遞減五人別奏遞減二人  
 副使三品已上僉二十人別奏八人  
 四品五品僉遞減四人別奏遞減二人  
 總管三品已上僉十八人別奏六人  
 四品五品僉遞減三人別奏遞減二人  
 子總管四品已上僉十一人別奏三人

五品六品僉遞減二人別奏遞減一人

若討擊防禦遊奕使副使僉准品各減三人別奏各  
 減二人總管及子總管僉准品各減二人別奏各減  
 一人若鎮守已下無副使或隸屬大軍鎮者使已下  
 僉奏並四分減一所補僉奏皆令自召以充  
 若府鎮戍正員官及飛騎三衛衛士邊州白丁皆  
 不在取限  
 凡車駕在京即東都南北衙皆置左右屯營別立使  
 以統之若車駕在都則京城亦如之

北都准此

凡大將出征。皆告廟授斧鉞。辭齊太公廟。辭訖不及宿於家。臨軍對寇。士卒不用命。並得專行其罰。既捷及軍未散。皆會衆而書勞與其費用。執俘折馘之數。皆露布以聞。乃告太廟。元帥凱旋之日。天子遣使郊勞。有司先獻捷於太廟。又告齊太公廟。諸軍將若須入朝奏事。則先狀奏聞。員外郎一人。掌貢舉及諸雜請之事。凡應舉之人有謀畧。

謂閑兵法。

才藝。

謂有勇技。

平射。

謂善能令矢發平直。十發五中。五居。其次為上第。三中七居。其次為下第。謂善及遠而中。十發四中。六居。其次為上第。三中七居。其次為下第。不及此者。為不第。

皆待命以舉。非有常也。若州府歲貢。皆孟冬。舊唐志作春。

隨朝集使以至省。勘責文狀而引試焉。亦與計科偕。

有二科。一曰平射。二曰武舉。其試用七。一曰射長槊。

三十發不出第三院為第。入中院為上。入次院為

次。上入外院為次。續日本紀及延喜式有外中內院之名。而他書不見。稱院者。義未詳。

二曰騎射。

發而兼中為上。或不中為次。上總不中為次。

三曰馬槍。

三板四板為上。二板為次。上一板及不中為次。

四曰步射。

射草人。中者為上。雖中而不中。雖法而不中。為次。

五曰材貌。

以身長六尺已上者為上。已下為次。

六曰言語。

有神彩。堪統領者為上。無者為次。

七曰舉重。

謂翹闕。率以五次上為第。

皆試其高第者。以奏聞。其科第之優劣。

謂平射筒射之上第者、前資見任見選、聽減一次、  
上與官、勲散衛官五品已上官子孫帖仗、二年而  
選次第者、其應選則據優劣與處分應帖仗、則三  
年而選、庶人之上第、亦帖仗、其年比次第、庶人次  
第、又加二年、武貢之第者、勲官五品已上、并三衛  
執仗執乘、若品子年考已滿者、並放選、勲官六品  
已上、并應宿衛人、及品子五考已上者、並授散官、  
餘並帖仗、然後授散官、  
勲獲之第級。

謂軍士戰功之等級、若牢城苦戰、第一等、酬勲三  
轉、第二等、三等、差減一轉、凡破城陣、以少擊多、為  
上陣、數畧相當、為中陣、以多擊少、為下陣、轉倍已  
上、為多少、常據賊數、以十分率之、殺獲四分已上  
為上獲、二分已上、為中獲、一分已上、為下獲、凡上  
陣上獲、第一等、酬勲五轉、上陣中獲、中陣上獲、第  
一等、酬勲四轉、上陣下獲、中陣中獲、下陣上獲、第  
一等、酬勲三轉、其第二、第三等、各遞降一轉、中陣  
下獲、下陣中獲、第一等、酬勲兩轉、第二、第三等、并

唐六典  
下陣下獲各酬勳一轉其雖破城陣殺獲不成分者三等各酬勳一轉其跳盪功不在降限凡臨陣對寇矢石未交先鋒挺入賊徒因而破者為跳盪其次先鋒受降者為降功凡酬功者見任前資常選為上資文武散官衛官勳官五品己上為次資五品子孫上柱國柱國子勳官六品己下諸色有番考人為下資白丁衛士雜色人為無資凡跳盪人上資加兩階即優與處分應入三品五品不限官考次資即優與處分下資優與處分無資稍優

與處分其殊功第一等上資加一階優與處分應入三品五品減四考次資優與處分下資稍優與處分無資放選殊功第二等上資優與處分次資稍優與處分下資放選無資常勳外加三轉殊功第三等上資稍優與處分次資放選下資應簡日放選無資常勳外加兩轉若破國全勝事踰常格或斬將搴旗功效尤異雖不合格並委軍將臨時錄奏  
皆審其實而授叙焉。

員外郎一人。掌選院。謂之南曹。每歲選人有解狀簿書。資歷考課。必由之。以覈其實。乃上三銓。進甲則署焉。

職方郎中一人。從五品上。

周禮夏官有職方氏中大夫。掌天下之地圖。主四方之職貢。職方郎中之任也。後周依周官。隋開皇初。始置職方侍郎一人。煬帝改曰職方郎。武德三年。加中字。龍朔二年。改為司城大夫。咸亨元年。復故。

員外郎一人。從六品上。

周禮夏官有職方上士。後周依焉。隋開皇六年。置員外郎一人。煬帝改曰承務郎。皇朝為職方員外郎。龍朔咸亨。並隨曹改復。

主事二人。從九品上。

職方郎中。員外郎。掌天下之地圖。及城隍鎮戍烽堠之數。辨其邦國都鄙之遠通。及四夷之歸化者。凡地圖委州府。三年一造。與板籍偕上省。其外夷每有蕃客到京。委鴻臚訊其人本國山川風土。為圖以奏焉。

副。上於省。其五方之區域。都鄙之廢置。疆場之爭訟者。舉而正之。凡天下之上鎮二十。中鎮九十。下鎮一百三十有五。上戍十有一。中戍八十有六。下戍二百四十有五。凡烽堠所置。大率相去三十里。若有山岡隔絕。須逐便宜置。得相望見。不必要限三十里。

其逼邊境者。築城以置之。每烽置帥一人。副一人。其放烽。有一炬二炬三炬四炬者。隨賊多少。而為差焉。舊關內京畿河東河北。皆置烽。開元二十五

年。敕以為邊隅無事。寰宇乂安。內地置烽。誠為非要。量停近甸烽二百六十所。計烽帥等一千三百八十八人。

凡州縣城門及倉庫門。須守當者。取中男及殘疾人。均為番第。以充。而免其徭賦焉。

若修理解宇及園厨。亦聽量使。駕部郎中一人。從五品上。

周禮夏官屬有輿司馬之職。蓋駕部之任也。魏氏始置駕部郎曹。歷晉宋齊後魏北齊。並為駕部郎

中梁陳為駕部侍郎。後周夏官府有駕部中大夫一人。隋文帝改為駕部侍郎。煬帝改曰駕部郎。宋齊左民尚書領駕部。梁陳左民部尚書領之。後魏北齊殿中尚書領之。隋則兵部領焉。皇朝因之。武德三年加中字。龍朔二年改曰司輿大夫。咸亨元年復故。

員外郎一人。從六品上。

周禮夏官屬有輿司馬。上士。蓋駕部員外郎之任也。後周夏官府有小駕部上士一人。隋開皇六年

置員外郎一人。煬帝改曰承務郎。皇朝為駕部員外郎。龍朔咸亨並隨曹改復。

主事三人。從九品上。

駕部郎中。員外郎。掌邦國之輿輦車乘。及天下之傳驛廩牧。官私馬牛雜畜之簿籍。辨其出入闡逸之政令。司其名數。凡三十里一驛。天下之驛。凡一千六百三十有九所。

二百六十所水驛。一千二百九十七所陸驛。八十二所水陸相兼。若地勢險阻。及須依水草。不必要



唐六典  
卷之六  
馬數都亭七十五匹、諸道之第一等、減都亭之十  
五、第二第三皆以十五為差、第四減十二、第五減  
六、第六減四、其馬官給、有山坡險峻之處、及江南  
嶺南暑濕、不宜大馬處、兼置蜀馬、凡水驛亦量事  
閑要、以置船、事繁者、每驛四隻、閑者三隻、更閑者  
二隻、凡馬三、各給丁一人、船一、給丁三人、凡驛皆  
給錢以資之、什物並皆為市、凡乘驛者、在京於門  
下給券、在外於留守及諸軍州給券、若乘驛經留

守及五軍都督府過者、長官押署、若不應給者、隨  
即停之、

而監牧五十有六焉、皆分使而統之、

南使十五監、西使十六監、北使七監、東使九監、鹽  
州使八監、嵐州使三監、則廢牧及諸司馬牛雜畜、  
各隸於籍帳、以時受而藏之、

若畜養之宜、孳生之數、皆載於太僕之職、凡諸衛有  
承直之馬、

諸衛每日置承直馬八十匹、以備雜使、諸衛官諸

州府馬每月常差赴京都為承直諸府常備其數甚多開元二十五年敕以為天下無事勞費頗煩宜隨京都近便量留三千匹充扈從及街使乘直餘一切並停

凡諸司有備運之車

舊唐志作牛


諸司皆置車牛以備遞運之事司農寺車一千二十一乘將作監三百四十五乘殿中省尚乘局一百乘少府監六十三乘太常寺一十四乘國子監二十乘太僕寺一十乘光祿寺二十乘衛尉寺十

乘太府寺六乘左右衛各二乘左右驍衛各一乘左右武衛各一乘左右威衛各一乘左右領軍衛各一乘左右金吾衛各一乘左右監門衛各二乘左右羽林軍各三乘家令寺一百八十乘左右僕寺二十六乘左右衛率府各一乘牛皆倍之其過倍者則充營田不足者則單駕開元二十二年敕量減六百餘頭乘皆審其制以定數焉

庫部郎中一人從五品上

周禮夏官有司甲下大夫為司戈盾弓矢之長各辨其物以侍軍事今庫部郎中之任也魏氏始置庫部郎曹歷晉宋齊後魏北齊並有庫部郎中梁陳為侍郎後周夏官府有武藏中大夫一人隋文帝為庫部侍郎煬帝改曰庫部郎宋齊梁陳並都官尚書領庫部後魏北齊度支尚書領之隋則兵部領焉武德三年加中字龍朔二年改為司庫大夫咸亨元年復故武藏中大夫員外郎一人從六品上

周禮夏官屬有司兵中士蓋庫部員外郎之任也後周夏官府有小武藏下大夫一人隋開皇六年置員外郎一人煬帝改曰承務郎皇朝為庫部員外郎龍朔咸亨並隨曹改復主事二人從九品上庫部郎中員外郎掌邦國軍州之戎器儀仗及冬至元正之陳設并祠祭喪葬之羽儀皆辨其出入之數量其繕造之功以分給焉



大唐六典尚書兵部卷第五終

文化幸未

[Blank page]

[Faded text columns, likely bleed-through from the reverse side]

